



DOBAR
LOŠ
ZAO

BIB

SIPA je uputila zahtjev da joj se dostavi ovjerena kopija zapisnika o inspekcijskoj kontroli Balkan Investment Banke koja je urađena u decembru 2013. Otvaranje istrage o poslovanju BIB-a, danas Banke Srpske, nastavak je istražnih radnji koje se već provode u Fabrici glinice Birač i drugim povezanim firmama.

ADMIR HADŽIEMRIĆ

Načelnik Općine Travnik u intervjuu za Oslobođenje poručio je da postoje svi uslovi da to mjesto dobije status grada. Sviđalo se to nekome ili ne, Travnik ima socio-ekonomski i historijski kontinuitet, koji također daje elemente da bude grad, a Hadžiemrić najavljuje i nove projekte, od kojih je Plava voda najznačajniji.

ŠEMSUDIN DEDIĆ

Ministarstvo poljoprivrede, vodoprivrede i šumarstva FBiH prošle sedmice je isplatilo 4,5 miliona KM poticajnih sredstava, čime je počela realizacija programa poticaja, koji za 2016. iznose 65,8 miliona KM. Ministar Dedić kaže da su uveli novinu da se poticaji isplaćuju u proljeće, kada su najpotrebniji poljoprivrednicima.

OPŠTINA GRADIŠKA

Ugovore o primopredaji stambenih objekata romskim porodicama Đurđević i Šarić iz Brezik Laminaca potpisao je načelnik Opštine Gradiška Zoran Latinović. Novac za te namjene osigurali su Ministarstvo za ljudska prava i izbjeglice Bosne i Hercegovine i Opština Gradiška.